

Вход 22.05.2024

Тропарь глас 2:

Благообразный Иосиф, / с Древа снем Пречистое Тело Твое, / плащаницею чистою обвив, и благоуханьми, / во гробе нове, закрыв, положи, / но тридневен воскресл еси, Господи, / подай миру велию милость.

Тропарь глас 2:

Егда снизшел еси к смерти, Животе Безсмертный, / тогда ад умертвил еси блистанием Божества; / егда же и умершия от преисподних воскресил еси, / вся Силы Небесныя взываху: / Жизнодавче, Христе Боже наш, слава Тебе.

Тропарь глас 2:

Миронóсицам жена́м при грóбе предста́в А́нгел, вопи́яше:/ ми́ра ме́ртвым су́ть прили́чна/ Христо́с же ислéния яви́ся чуждь./ Но возопи́йте: воскре́се Господь, // подай ми́рови ве́лию ми́лость.

Тропарь глас 4:

Правило веры и образ кротости, / воздержания учителя / яви ты стаду твоему / Яже вещей Истина. / Сего ради стяжал еси смирением высокая, / нищетою богатая, / отче священноначальниче Николае, / моли Христа Бога, // спасися душам нашим.

Тропарь глас 4:

Приспе день светлаго торжества, / град Барский радуется, / и с ним вселенная вся ликовствует / песньми и пеньми духовными: / днесъ бо священное торжество / в пренесение честных и многоцелебных мощей / святителя и чудотворца Николая, / якоже солнце незаходимое, возсия светозарными лучами, / разгоняя тьму искушений же и бед / от вопиющих верно: // спасай нас, яко предстатель наш, великий Николае.

Кондак, глас 3:

В Мирех, святе, священнодействитель показался еси, / Христово бо, преподобне, Евангелие исполнив, / положил еси душу твою о людех твоих / и спасл еси неповинныя от смерти. / Сего ради освятился еси, // яко великий таинник Божия благодати.

Слава

Кондак, глас 3:

Взыде, яко звезда, от востока до запада / твоя мощи, святителю Николае, / море же освятится шествием твоим, / и град Барский приемлет тобою благодать: / нас бо дея явился еси чудотворец изящный, // предивный и милостивый.

и ныне

Кондак, глас 2:

Радоватися мироносицам повелел еси, / плачь праматере Евы утолил еси / воскресением Твоим, Христе Боже, / апостолом же Твоим проповедати повелел еси: / Спас воскресе от гроба.

Прокимен, глас 6: Спаси Господи люди Твоя, / и благослови достояние Твое.

Ин Прокимен, глас 7: Восхвалятся преподобнии во славе, и возрадуются на ложах своих.

Причастен: Тело Христово примите, источника безсмертнаго вкусите.

Ин Причастен:

В память вечную будет праведник, от слуха зла не убоится.